

王云五主持

續修四庫全書提要

九

台灣商務印書館發行

王雲五主持

續修四庫全書提要

臺灣商務印書館發行

史

部

第五冊

湖南桃源縣志十八卷光緒十八年刊本

知縣事余良棟主修。武陵劉鳳苞總纂。是書凡十八卷。分立十二卷。卷一志疆域。卷二志營建。卷三志賦役。卷四志學校。卷五志紀典。卷六志兵制。卷七志職官。卷八至十志人物上中下。卷十一志列女。卷十二志尙徽。卷十三至十七藝文志。卷十八志拾遺。案是志爲志十二。而其子目皆曰考。首列圖象。疆域志中。復列星野考。於星野度數。辨核甚精。作者於天文學。殆所擅長。桃源故地。世多異傳。此於沿革考中。斷爲漢臨沅南兩地。亦甚博辯。蓋非竺學之儒。不能辦也。職官無表。而以年表考入職官志。選舉亦無表。而列選舉考於人物志。皆爲創例。然不足病也。卷十二曰尙徽志。其名甚新。而以金石書畫與神異災祥並列。殊爲不類。藝文之詩。分體列三卷。則近冗矣。

龍陽縣志八卷清嘉慶十八年癸酉刻本

知縣烏河張在田主修。邑舉人游鳳藻。陳德沛。纂輯。按龍邑志創自清康熙乙丑知縣蔡蔭。以史館纂修。廣蒐啓禎遺事。奉令肇修縣志。以備采擇。乃屬邑人陳一揆。彭鳴霄。從事撰訂。彌月而即成書。其勉應公檄之敷陳。掛漏自可想見。至乾隆五十七年。署令鮑西。督邑庠生歐學優等。始一續之。有五十一年繼署令趙嘉程一序紀其事。蓋是年始成書也。凡例謂是書本乾隆五十七年舊稿。然全書遺失。僅從殘編抄拾。款項多所未備。體製亦殊繁碎云云。相距僅祇二十年。不解何即殘失。所稱舊稿。蓋當時並未刊印。德

沛爲一揆之孫。舉其祖之遺稿。付鳳藻校釐正。復自補漏省繁。藏之有年。久欲付梓。而苦無貲。茲始得張令徵集鑒定而成。吁。其難矣。書凡八卷。分門十有二。曰輿圖。曰建置。曰食貨。曰學校。曰秩祀。曰武備。曰事紀。曰職官。曰選舉。曰政略。曰列傳。曰藝文。所志山川。詳於水而略於山。漸沅諸水。由縣境會合歸入洞庭。其派別支分。固分不容稍忽。而西南多山。如金牛。龍陽。三尖諸山。脈絡紛然。率多從簡。不無失當。溯其沿革。在兩漢爲索縣。爲漢壽。自三國時。卽易名龍陽。歷年既久。文獻自應有徵。前之紀載失傳。良爲可惜。此篇蒐輯。雖云苦心研討。義例無乖。力求完善。但其文筆平庸。考證仍多疏漏。殆其才識有所不逮。亦容過爲苛論也。

龍陽縣志三十三卷清光緒元年乙亥刻本

知縣漢陽黃敦銘等主修。邑舉人陳選知縣陳保眞等編纂。按邑志創自有明。久佚無考。清康熙乙丑邑人陳一揆纂修之。曰初志。蓋時值鼎革之初。大亂甫定。故實無徵。所輯頗稱簡略。再修於嘉慶甲戌邑人陳德沛。茲再續嘉慶志而作也。書爲卷三十有三。分門十。爲目五十有五。卷首一卷。新舊序。凡例。纂修姓名。皇澤紀。卷一至四曰輿地志。以沿革圖。表。考。疆域。星野。山川。坊鄉。隄障。古蹟。風俗。諸目屬之。卷五至七曰建置志。以城池。官廨。公舍。石槽。津梁。坊表。諸目屬之。卷八曰秩祀志。以壇廟。屬之。卷九至十一曰食貨志。以田賦。積儲。物產。戶口。災祥。諸目屬之。卷十二曰學校志。以文廟。書院。屬之。卷十三曰武備志。以兵制。屯汛。驛遞。關隘。紀事。諸目屬之。卷十四至十五曰職官志。以官制。文職。武職。名宦。諸目屬之。卷十六至十七曰選舉志。以徵辟。進士。舉人。武進士。

武舉人。貢士。行伍。援例。封廕。諸目屬之。卷十八至二十四曰人物志。以名宿。忠烈。孝友。篤行。篤行。隱逸。耆壽。流寓。方伎。列女。諸目屬之。卷二十五至三十三曰藝文志。以撰述。文類。詩類。諸目屬之。篇中於沿革所爲圖。表。考。均極詳盡。星野。稽錄史志。且附以氣候占驗。徒費篇幅。無裨典要。甚無取也。邑居五溪下流。承沅芷而瀉洞庭之清。其經界○守。撫字艱難。於山川。隄障。石壩。積儲。災祥。皆能紀載縝悉。有功臣實匪淺。至謂古蹟中之漢樊洲。三國橘洲。晉鹽池諸勝。以樊爲汎。又以汎統汜橘樊而爲一。鹽池誤援張旭。前人記載。沿訛已久。依唐書襄陽耆舊記。及晉書。爲辨正之。又稱隱逸一流。與選舉。名宿。有相表裏。如伍朝。龔元之。丁易東。周士德。諸人。皆邑名宿。亦選舉。亦隱逸。未能以一類限之。若丁周之撰述精深。維持文教。尤應彼此互詳之類。洵別具卓識。藝文蒐采宏富。多有闕一邑之利弊事故。及其論列出處大節之文。足以風世者。信非蕪溢之選。各門小序。爲四言韻語。文詞典麗可誦。卷端有前湘撫劉峴。爲之序。極稱許陳氏所作。允能傳信。陳字懷甫。爲其徽屬書院所拔士。知之最深。同治庚午科領解者。

沅江縣志三十卷清嘉慶十三年戊辰刻本

署知縣蒙古唐古特主修。教諭寧遠駱孔儀。訓導敷浦戴安禮。同纂輯。按沅志前代無攷。不知創自何時。清順治初。知縣張時。成明瑞。顧智。先後蒐采故實。均因故未竟。至康熙丙子。知縣朱永輝。刻意從事。始獲成書。然亦不過規模粗具而已。中闕百餘年。方有此一續。吁其難矣。先是丙寅冬。常德知府江陰薛洪。倡議續修郡志。檄屬邑采訪成書。始有是舉。孔儀等。以始事維艱。訪得邑人楊尙載。手錄其世父

臧北翁。所輯縣志草稿。本之斟酌損益。而成此篇。全書爲卷三十。類亦如之。一星野志。二輿圖志。三沿革志。四疆域志。五山川志。六城池志。七公署志。八賦役志。九倉儲志。十水利志。十一學校志。十二典禮志。十三秩祀志。十四禮器圖志。十五塘汛志。十六鋪遞志。十七郵政志。十八風俗志。十九物產志。二十古蹟志。二十一坊表志。二十二祥異志。二十三職官志。二十四選舉志。二十五人物志。二十六列女志。二十七流寓志。二十八外志。二十九藝文志。三十拾遺志。所分門類。秩然不紊。適合體裁。輿地圖說。亦頗稱善。各篇小序。皆簡要清通。堪稱能手。沅居洞庭上游。資沅諸水匯納。素多水患。但形勢變遷。又港淤積。古岸而今駛矣。所謂山脈水道。均極詳論。藝文之選。皆有關於明人倫。厚風俗。即詠歎淫佚之詩歌。亦多繫古今成敗興衰之故者。綜其全篇。要不失爲邑志中之佳構。讀孔侯之采訪啓及其條例綱目。具見其矜慎從事。斷制謹嚴。復得安化陶文毅公淵。爲之潤色訂正。成斯傑作。良有以也。臧北翁者。即楊世祿也。本書藝文志。錄有所撰沅江縣志稿紀略一篇。其拳拳文獻之苦衷。溢於言表。洵有功於斯志。詎非有心人歟。

衡州府志三十三卷清光緒元年乙亥重镌乾隆二十八年癸未原本

知府豐城饒倫纂修。翰林院庶吉士曠敏本編撰。總督愛必達。巡撫陳宏謀。布政使來朝等鑒定。是書爲卷三十有三。爲目三十。曰星野。曰沿革。曰輿圖。曰形勢。曰疆域。曰山川。曰古蹟。曰城池。曰津橋。曰公署。曰縣鋪。曰藩封。曰戶口。曰田賦。曰倉貯。曰學校。曰壇祀。曰風俗。曰物產。曰兵防。曰職官。曰循良。曰選舉。曰人物。曰列女。曰游寓。曰陵墓。曰寺觀。曰祥異。曰藝文。列朝詔諭。不以冠

篇。原無不可。志爲紀載一郡之獻典。關係抑何重要。竟付闕如。是爲大謬。全篇分列類目。卓然可觀。尙不失郡志體裁。但所蒐採故實。除桂陽改直隸州。割臨。藍。嘉。三邑相屬。及清泉增縣。罕舉一二大者外。率皆陳陳相因。沿述舊紀。即以其凡例寥寥數條。語涉疏略。毫無斷制。已可見其一斑。各門小序。編爲韻語。然文筆平庸。令讀者增悶。雅不足登著作之林矣。惟輿圖刪芟八景。衡嶽特立尊圖。差爲有識。斯志修於乾隆二十八年癸未。卷端署光緒初元補刊。是役也。誰實爲之。無一字一言之議。亦可異也。目錄之後。首即編列辨誣。江南通志本傳。故中丞秦公傳。及全楚奏議序。辨誣論書後等篇。辨誣者何。爲嘉慶六年湖南臬司秦源。敘述其遠祖前明湖廣巡撫秦燿。被屬吏衡州府同知沈○。誣劾。獲譴。抑鬱以卒之始末事狀也。傳爲王崧登撰。序爲郭正域撰。書後爲甘肅寧朔令湘陰周錫溥作。爲前賢瀚雪奇冤。爲遺黎引伸正義。固其宜也。第以之置於卷首。殊爲不當。閱百餘年一重付梓。而竟承其謬陋。襲其乖舛。可勝惜哉。

清泉縣志十二卷清同治八年己巳刻本

知縣武進王開運主修。嘉定張修府編撰。修府字東墅。以知府治衡州權務。開運延其秉筆。僅四閱月而書成。凡十二卷。分目十三。首輿圖詳文。卷一地理。卷二建置。卷三祠祀。卷四貢賦。卷五學校。卷六官師。卷七選舉。卷八之九人物。卷十藝文。卷末事紀雜識。另以子目五十分繫焉。按清泉自乾隆二十一年丙子。始裁同知。析衡陽東南境而置縣。與衡陽同屬衡郡附郭之首邑。其時儀徵江恂。以能吏經始規畫分治。知縣事越七年。即創輯縣志。歷百年。至咸豐辛酉。邑紳楊江。倡議增修。周鈞爲之草。彈數寒暑甫

略具。屬湘潭王闓運潤色之。適王就桂陽州之聘。致仍未竟。至是始於張修府之手而續成之。首列城廂鄉都二圖。靡可觀者。僅所錄衡州府孔傳祖。上落泉兩司分縣詳文稿一通。使讀者得知析地設治之緣始。尙爲有識。其各門所紀。率皆間略。無足稱道。若謂建置未幾。乏歷史之可言。尙有江尹舊志。堪資循法。反因而似創。於江志序例。全佚不錄。抑乖志例。且衡陽縣志成書具在。亦應得分別取材。嚴爲斷制。何容肯漏。致後之從事續編者。末由師成憲之良規。不無遺憾。殊可惜也。他如以星野。沿革。屬於地理。冢墓。寺觀。列於祠祀。物產。入於貢賦。風俗。附諸學校。藝文。專載書目。附作者之自序。兵事。詳異。不列專門。已多無雜失倫。要於體例皆有未當。至雜識中叙山川之形勢。橋梁之廢興。補錄金石文字之殘刻。復詳及各名勝。兼錄才人名宦題詠詩詞。尤爲舛謬。誠不解當時以短期倉猝竟功。適茲乖漏之作。豈不似反爲多事耶。肅末王開運跋。謂其事增而文省。體嚴而詞核。卷端有衡州府知府海甯張士寬爲之序。亦稱其繁簡得中。具有史法。可與武功朝邑諸志媲美。此種阿好之諛詞。令人不能無廢書而歎矣。

衡陽縣志四十卷清嘉慶二十五年庚辰刻本

知縣昌樂閻肇煊等主修。廣東欽州知州。翰林院庶吉士。邑紳馬倚元等纂輯。按衡志。清肇修於康熙乙酉知縣張廷相。再修於丁酉知縣高清。三修於雍正庚戌知縣姚奮翼。等。四修於乾隆庚辰知縣陶易。此蓋續陶志之作。書凡卷四十。卷首一卷。曰序例。目錄。等。卷一曰輿圖。二曰星野。三曰建置。沿革。四曰疆域。形勢。五曰山川。六曰津梁。七曰城池。八曰戶口。九曰田賦。十曰物產。十一曰風俗。十二曰公署。十三曰職官。十四曰名宦。十五曰鹽法。十六曰蠲政。十七曰學校。十八曰典禮。十九曰兵制。二十

曰驛傳。二十一日武功。二十二日選舉。二十三日封廟。二十四日祠廟。二十五日古蹟。二十六日藩封。二十七曰故宮。二十八曰冢墓。二十九曰人物。三十曰隱逸。三十一曰流寓。三十二曰列女。三十三曰方技。三十四曰仙釋。三十五曰祥異。三十六曰金石。三十七曰典籍。三十八曰藝文。三十九曰借竊。四十曰雜識。是書星野。建置。疆域。田賦各門。紀載均極詳實可觀。他若金石之碑記。典籍之書目。藝文之詩賦。采輯亦宏富靡遺。至僭竊所錄張獻忠。吳三桂。叛擾事實。俾一邑治亂之陳迹。得有所徵。不爲無見。惟輿圖及馬號。演武場。人畜形態。殊鄙劣可憎。論其著作。亦文筆謬陋。無足稱述。據凡例所云。悉仍舊志。僅爲增益乾隆辛巳以後事實而已。殆因陋就簡。以事補苴。有以致之歟。卷端僅衡州府知府昆明平志一序。閻氏馬氏均無一言并首。

衡陽縣圖志十二卷清同治十三年甲戌刻本

知縣大興羅慶茹主修。邑紳彭玉麟等纂輯。玉麟字雪琴。官太子少保。巡閱長江水師。兵部右侍郎。盜剛直。爲清中興名臣儒將。自江南罷兵還鄉。以同治初院司續編通志。下檄府縣。采集志材。縣令承牒十數。時歷十年。而事繁費重。靡得而舉。復經前候選道員常豫。候選同知程學伊。借縣人士議綜錄。又已三載。乃割在軍私費之餘。給筆札。設館食。得賴同志左右贊襄。閱月三十有六。始條理備集焉。是書不循諸志慣例。無凡例之作。目錄之編。以圖志名。綜爲緒十一。其一曰疆域。爲圖二十有二。曰縣城總圖。曰疆域分圖。曰衡陽中星圖。爲表七。曰日出入時刻表。曰出入方位表。更漏中星表。諸星赤經表。中星赤經歲差表。中星歲差立成表。時度相應表繫之。其二曰事紀。凡沿革。及歷代大政。兵事。祥異。皆繫

之。其三曰賦役。其四曰建置。爲圖四。曰城圖纂之。其五曰官師。爲表九。曰官師表。曰汎官表。纂之。其六曰禮典。凡壇廟。祠祀。慶典。賓興。書院。風俗。皆纂之。其七曰人物列女。凡傳若干。曰列傳。曰列女傳。爲表十六。曰明進士選舉表。舉人選舉表。諸貢選舉表。國朝進士選舉表。舉人選舉表。諸貢選舉表。武科選舉表。誥命表。恩賞表。文實職表。武實職表。耆壽表。壽婦表。節婦表。烈婦表。貞女表。纂之。其十曰藝文。其十一曰貨殖。其十二曰序。纂修銜名附之。按衡陽縣志。創修於康熙時知縣張廷相。未幾續於知縣高清。洎雍正初知縣楊純。乾隆知縣陶易。道光知縣嚴煥。均有續輯。存其目。摘其序。於藝文中。而此篇不曰續纂重修。於義實有未洽也。惟全篇蒐采閎富。圖表精審。邑志中已不多觀。至若事紀之斷自漢初。承原之別詳圖說。尤具卓見。列傳所立傳贊。悉視其人爲之。分合取捨。繁簡適宜。持論謹嚴有法。頗能師遷史班書之遺意。亦允稱佳構。序文僅玉麟一作。列爲專篇。殿諸書末。闡述本旨。纖悉靡遺。而主修邑令。撰述士紳。皆不得贊一詞。準諸地方官書之例。亦殊不合矣。

明弘治衡山縣志六卷明弘治元年刻本中華民國十三年甲子重印

明弘治元年知縣事南昌劉熙重修。敘論馬平何紀編輯。訓導廬陵王濠校正。民國十三年夏歷甲子歲。邑人康和聲。得觀於京師圖書館。手抄携歸湘垣。適同邑趙恒惕。長省政。見而歎賞。以衡爲故籍。不可使之無傳。亟促之復校重印。以助其成。按劉熙。自序所述。謂衡志作於成化九年。前令潯陽李滿。求其合於一統志者。僅十之五六。其年春。按察僉事金華戚昂。行部來衡。以爲觀民風莫先於圖經。觀此志深有不愜意處。乃就中摘指數事示余曰。宜推類改正。余適延訪一二儒碩。相與考校。本之舊志。去複刪繁。正

謬補闕。凡綱目次第。悉遵一統志而加詳焉。是此志實劉熙。本李瀚。原志重輯而成明矣。書爲卷六。其一。曰建置沿革。曰疆域。曰形勝。曰風俗。曰山川。曰城池。曰防鄉市井。其二。曰土產。曰戶口。曰田賦。曰土貢。曰課程。其三。曰公署。曰學校。曰書院。曰職役。曰倉廩。曰惠政。曰宮室。曰鋪舍。曰關梁。曰寺觀。曰祠廟。曰壇壝。曰陵墓。曰古蹟。其四。曰宦蹟。曰流寓。曰人物。曰科舉。曰歲貢。曰吏員。曰列女。案此門原本有目無書曰仙釋。其五。曰文。其六。曰詩。篇中以星野。列諸建置沿革之音。疆域。則圖攷闕如。宦蹟。僅列職名。不紀事實。均屬不符志例。且門類蕪雜。疏漏尤多。惟衡山居五嶽之一。編識綦詳。差爲得體耳。至所紀詩文二卷。於御製詔誥諸文。及歷代名公鉅卿之題詠。蒐錄闕富。佔全篇之半。最稱精采可觀。有足多者。厥後尙有嘉靖四年知縣彭壽編之本。不審相較何若。卷末有和聲一跋。謂體驗此志紙色。有後來補印參入者。二十一葉。必爲周鑑所續補。但未另文題識。其信然歟。亦足徵其考證之精確矣。

衡山縣志五十五卷清道光三年癸未刻本

知縣武寧張富業主修。金匱侯鈴接修。邑舉人江南鹽城縣知縣林拱宸等纂輯。按縣志肇修於明邑令彭壽。其書已佚。逮清康熙初邑令王家賢。得前明令張國偉。所訂舊志。並加搜訪成書。後又有葛德鍾等。接踵參益而續修之。自乾隆三十九年補修後。迄今四十餘載。此蓋續葛志而作也。是書爲卷五十有五。曰星野。曰圖考。曰建置。沿革。曰疆域。曰形勢。曰山川。曰戶口。曰田賦。曰水利。曰城池。曰關隘。曰津梁。曰古蹟。曰公署。曰學校。曰祀典。曰祠廟。曰風俗。曰兵制。曰屯田。曰邊防。曰驛傳。曰鋪遞。

曰苗獠。曰武功。曰屯練。曰寺觀。曰鹽法。曰茶法。曰錢法。曰木政。曰權政。曰礦政。曰蠲政。曰職官。曰選舉。曰封蔭。曰政績。曰人物。曰列女。曰隱逸。曰流寓。曰仙釋。曰方技。曰古帝王。曰故宮。曰陵墓。曰僭竊。曰藝文。曰典籍。曰金石。曰物產。曰祥異。曰雜識。曰外紀。篇首圖說頗精審。其星野考證詳確。所繪輿形及朱鳥七宿諸圖。於衡邑亦稱允當。舊志之於建置沿革。皆相因謂衡山爲古糜子國。又晉陞衡山爲郡。南北宋改郡爲衡陽國。形勢地域。均不無錯謬。博稽湖廣湖南兩通志。及府志。而訂正之。具有卓識。至於古蹟辨禹碑之贗。學校舉李鄭侯。故居之殊。攷證有據。尤爲有裨史實之作。藝文彙錄宏富。爲全書冠。惟以清之話勅。及歷代宸翰。祭文。列首。頗失蕪雜。不知囑於南嶽者因所應紀。而乖其類次。則非所宜。又若宸翰之後。卽錄方外詩。及唐集中。且雜以前明歷朝話勅。實凌亂之甚者也。篇中苗獠。錢法。權政。木政。礦政。非邑之所有。無志而僅存其目。謂遵新頒續修通志之程式。豈當時省令不可違耶。不然。何須此繁贅也。凡例連篇累牘。各門不并小引。而又於目錄中間綴附論。良無足取。綜其全書著作。不免瑕瑜互見。爲可惜爾。

衡山縣志四十五卷

清光緒元年乙亥刻本

署知縣琴水李惟丙倡修。知縣黃陂郭慶麟。懷寧徐淦。無錫茹有慶。鶴山勞銘勛。天門熊鎮南。先後相繼接修。先是同治戊辰歲。李令惟丙。以邑志五十餘年未得一續。乃特延邑人戶部主事文獻英。候選訓導職學熊等纂輯。明年惟丙解任去。獻英。學熙。復相繼歿。蓋由彭兆松等承其業。閱四年而稿始竟。又四年而梓成書。爲卷四十有五。其一曰星野。二曰圖考。三曰建置。沿革。四曰疆域。五曰城池。六曰關隘。

·七日山川·八日戶口·九日田賦·十日水利·十一日積儲·十二日蠲政·十三日詠卹·十四日津梁·十五日公署·十六日學校·十七日典禮·十八日祀典·十九日壇廟·二十日風俗·二十一日兵防·二十二日兵事·二十三
日驛傳·二十四日鹽法·二十五日職官·二十六日政績·二十七日選舉·二十八日封贈·二十九日產製·
三十日人物·三十一日列女·三十二日藩封·三十三日隱逸·三十四流寓·三十五日寺觀·三十六日仙釋·三十七日方
技·三十八日陵墓·三十九日藝文·四十日著述·四十一日金石·四十二日古蹟·四十三日物產·四十四
日祥異·四十五日雜識·按諸志星野多冠篇章·相沿繁重·然恒以星宿應爲一省之主·非一邑可得而專·
爲茲邑爲南嶽都會·全楚之精氣繁場·自獨有異·篇中特詳圖考·爲南方朱鳥七宿等圖·暨衡山專圖·尤
稱精當·如以舊志祀典·統歸祠廟·田賦並載書院·義渡·寺觀·各田·不符體例·能糾正其失·至所增
典禮·積儲·詠卹之事目·剛苗蠲·邊防·茶法·錢法·木政·礦廠·權政之空名·並汰故官·僧竊之冗
濫·諸類·亦於舊志之斟酌損益·極爲詳洽·具有卓見·所爲敘述·皆簡要清通·堪稱遠於學而勇於自
信者·要推湘邑志中之佳構焉·

耒陽縣志二十一卷 清道光六年丙戌刻本

知縣鎮白旗常慶·署知縣南城陳翰主修·爲乾州廳教諭邑人鄭優等所編輯·書凡二十卷·首序·例·目錄
·卷一曰星野·圖考·沿革·卷二曰疆域·山川·卷三曰戶口·田賦·卷四曰水利·城池·關隘·卷五曰
津梁·古蹟·公署·卷六曰學校·卷七曰祀典·卷八曰風俗·兵制·卷九曰鋪遞·武功·卷十曰寺觀·鹽
法·蠲卹·卷十一曰職官·卷十二曰選舉·卷十三曰封贈·卷十四曰政績·卷十五曰人物·卷十六曰列女

卷十七曰隱逸·流寓·仙釋·方技·邱墓·卷十八之二十曰藝文·卷二十一曰書籍·物產·卷二十二曰祥異·外紀·其凡例謂前志修於康熙五十五年·時兵燹之餘·舊簡散佚·幸前任張公應星·學博陳君銓等悉心蒐采·苦歷三年始脫稿·綱凡八·目凡五十有七·論列甚詳·是編遵司頒程式·分列三十有七門·名目互殊·率多由舊·間有損益·期簡而該詳而不冗云云·蓋取前令張應星所修志而重鑄之·僅每卷之首·畧以常虞陳翰纂修·無一言并首·倘並此而無·則不知主修者為誰矣·篇中星野·考辨繁富·不知此非一邑之所得專·殊為不當·且附以四時晴雨占驗豐歉之諺語·尤俚俗可憎·他若田賦·載及國朝賦役全書·學校·於改訂學額恭錄諭旨·雜以公牘詳批·職官·首錄重吏治·飭官常·諸上諭·封蔭·詳紀明清兩代制誥之類·皆著作陋劣·陋編凌亂·無可稱述·豈張志原作固如是耶·今既取而重鑄·自應為之刪削訂正·乃沿斯陋作·再禍梨·豈不近於多事·致令人不可卒讀·版書而興歎也·

耒陽縣志八卷清光緒十一年乙酉刻本

邑令丹陽於學琴·南部周至德主修·敎諭宋世煦纂輯·正志倡始於前邑令李師廉·而蔣恩澍·曾敘笏·先後繼之·閱時將八載·皆弗克成事·至於令除斯邑·乃毅然屬世煦從事秉筆·世煦為永綏舉人·前官江西建昌縣令·蓄重為積學能文士也·經歲脫稿·鐫梨未竟·於令復解任去·周令繼任數月·始克觀成·不棄難歟·書凡八卷·首序例·銜名·目錄·卷一曰星野·輿圖·疆域·沿革·城圖·城池·關隘·公署·山水·津梁·祥異·壇廟·卷二曰戶口·田賦·錫卹·倉儲·鹽法·卷三曰學校·典禮·卷四曰職官·政蹟·兵事·選舉·武功·封贈·耆蔭·卷五曰列女·卷六曰人物·方技·流寓·隱逸·仙釋·卷七曰古蹟·

寺觀·邱墓·風俗·物產·卷八曰叢談·藝文·耒地接壤粵邊號稱要邑·志創自明嘉靖壬子知縣馬宣·並有萬歷甲申知縣婁九成·丙辰知縣朱學忠·二續·逮清康熙知縣劉宗沛·張應星·雍正知縣徐德泰·道光知縣常慶·先後四修·殆文獻不但有徵·且速而富矣·此蓋續常志之作·其凡例各條·立辭膚淺·於斷制處頗涉疏略·叢談藝文兩類·竟遺漏不贅一詞·更屬舛謬·是野於輿輶兩宿圖攷·詳爲蒐錄·邑志銳銳於此·有失體例·跡涉贅詞·典禮將文廟祀典·列於各小紀之後·殊大不倫·藝文殿諸叢談·次序倒置·而藝文書目·又見於叢談之前·簡端郭衛楚簡序·重見疊出·其編訂紊亂·尤令閱者刺目·吾不解當時秉筆者·其才識不足若此·而預斯役者·亦不稍盡釐訂參校之功·噫·可異已·

同治常寧縣志十六卷 清同治九年庚午刻本

知縣蒙古玉山主修·前安徽巡撫·直隸布政使·邑人唐訓方督修·邑舉人揀發廣西知縣李孝經等纂輯·書無凡例·稱其目錄曰例目·例首之首·載有常寧縣志·前明再修·國朝四纂·茲做臨安志之稱題曰同治常寧縣志云云·書凡十六卷·卷首曰諸圖·卷一曰沿革·天象·疆域·山水·卷二曰城垣·官署·學校·官廟·卷三曰鄉都·卷四曰藩封·秩官·循良·卷五曰賦稅·兵防·卷六曰戶口·風俗·卷七曰選舉·卷八曰舊舊·卷九曰藝文·卷十曰方技·流寓·卷十一曰列女·卷十二曰坊塔·古蹟·金石·名墓·卷十三曰寺觀·仙釋·卷十四曰物產·祥異·卷十五曰新紀·卷十六曰雜識·按常寧縣志·創修於明成化縣令謝廷舉·萬歷元年縣令陶敬圖續修之·逮清康熙十二年知縣張問明一修·雍正十年知縣侯國正再修·嘉慶四年知縣楊純道三修·二十四年知縣葛鳳階·復修續志二卷·此篇蓋續葛志而作·其志天象·極簡略

星野本非邑乘之所應紀。得其體要。於山水。城垣。官署。學校諸志。皆蒐采前人所爲按語及題記詩詞。並昭宗祠之祥載陣亡員弁勇丁姓名。可謂具有卓識。至若新紀一門。專志境內五洞民僞即莫僞之情事。並山獠所居形勢風俗。尤爲有裨史實。論其著作。亦簡潔無乖志例。爲湖邑志中之可觀者也。各門均無小引并首。卷端僅玉山一序。

安仁縣志十六卷 清同治八年己巳刻本

署知縣高苑張景垣主修。拔貢候補選州判邑人張鵬等纂輯。是書分卷十有六。卷首末各爲一卷。首序。例。纂修姓氏。於簡志纂修姓氏序跋。采錄詳備。卷一天文志。卷二輿地志。卷三營造志。卷四風土志。卷五賦役志。卷六學校志。卷七典禮志。卷八職官志。卷九至十一選舉志。人物志。卷十二列女志。卷十三至十五藝文志。卷十六事紀。外紀。末以拾遺終焉。按邑志在有明一代。有嘉靖敕諭閔文振。隆慶知縣鄭京。萬歷知縣蔡鳳梧等三修。洎入清肇修於康熙癸酉知縣陳黃永。一續於乙未知縣周元良。再續於乾隆壬子。知縣譚崇易。三續於嘉慶己卯知縣侯鈴。此篇蓋續侯志之作。觀其凡條。條分縷晰。取法矜慎。於蒐采宏富之中。仍寓斷制謹嚴之意。如謂不蹈各志每門必冠小序。遠引繁稱。徒矜淵博之故習。祇據事直書。寧質無華。頗爲有識。讀舊序疊次所修。皆極精審。文獻足徵。而乾隆譚崇易。所爲目標。僅曰壬子志稿。似未付梓成書。再讀其序文小引。所條列諸志目。徵考之宏博。詞旨之淵雅。其所爲書。必稱佳乘。本篇所紀。采錄頗多。但所謂今於前志。不敢妄加芟削。惟闕其疑正其譌。則此作又不僅多本譚篇。恐一仍歷次所修。而增益以事實而已。志天文分星野。星占。連篇累牘。殊不合邑志體裁。圖繪僅一縣城圖。餘則詳